

**Dissertatio physica anatomica. / Quam ad primam Appollinarem lauream consequendam in celeberrimâ Monspeliensium Medicorum Academiâ publice propugnabit Joannes Baptista Contardi ... ab horâ octava ad meridiem, die mensis Augustii 1713. ; Praeside illustrissimo viro D. D. Petro Rideux ... ; An secretionum opus ex mechanices legibus.**

## **Contributors**

Rideux, Pierre, 1674-1750.  
Contardi, Giovanni Battista, active 1713.  
Sloane, Hans, Sir, 1660-1753  
Ecole de médecine de Montpellier.  
British Museum  
Medical Society of London

## **Publication/Creation**

Monspelii : Apud Honoratum Pech, Regis, universitatis. Cleri & urbis typograph, 1713.

## **Persistent URL**

<https://wellcomecollection.org/works/cyu3b6he>

## **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

# DISSE

# RATI

# O<sup>5</sup>

## PHYSICO-ANATOMICA.

Quam ad primam Appollinarem lauream con-  
sequendam in celeberrimâ Monspeliensium  
Medicorum Academiâ publice propugnabit  
JOANNES BAPTISTA CONTARDI Genuensis  
Artium Liberalium magister, & jamdudum  
Medicinæ alumnus, ab horâ octavâ ad me-  
ridiem, die mensis Augusti 1713.

P R A E S I D E

ILLUSTRISSIMO VIRO

D. D. PETRORIDEUX

Regis Consiliario & Medico, nec-non in  
almâ Monspeliensium Medicorum Academiâ  
Professore Regio dignissimo.

*An secretionum opus ex mechanice  
legibus.*



MONSPELIENSIS

Apud HONORATUM PECH, Regis, Universitatis  
Cleri & Urbis Typograph. 1713.

DISSEERATAG  
DYURCO-AUTOMICA

Geat de tunc Alcibiades lemnos con-  
spicere, ut eis in eisq[ue] m[od]o  
sunt omnia. Accipit[ur] effigie p[ro]p[ter]a  
littera. Tertia Conscripti. Et dicitur  
littera. Cetera littera. Et dicitur  
littera. Hoc quod oculis videntur  
littera. Et dicitur littera.

PRAISERE

DISSEERATAG  
DYURCO-AUTOMICA

Illustratione avio.  
Ratis Consilio et Mito, non in  
singulacionem p[re]dictorum Accidens  
Proposito Regio singulis.

Ex Recensione sive ex Dictione  
Fischeri.

MONSPELII  
Agri Honoretum Non Regis Universitatis  
Clericis Quibus Libet. 1735



# DISSERTATIO PHYSICO- ANATOMICA.

*An secretionum opus ex mechanices  
legibus.*



R D U A M sane & paucorum vēstigiis tritam hactenus viam explorare, ingensque & forte inausum opus aggredi fert animus ; licet ingenii, viriumque paruitatem habeam satis cognitam : sed quoniam unumquemque trahunt, & alliciunt novitatis illecebræ , ex geminis hypothesibus urbano sale conspersis & simpliciori mechanice prioribus, Bellini scilicet Borelli- que , non inepte quidem & prætermodum utriusque scriptoris fautor , sed venerabundus demirator , brevem & indictam totius de quo disseritur , argumenti expositionem conficiendam pro patrio jure suscipiam. Ut autem ho- dierna hæc disceptatio , doctrinæque specimen & iis arrideat , qui in arte anatomicâ egregie & cum laude versati sunt, & iis quoque profis-

Aij

4

qui in illâ peregrini adhuc sunt & hospites, varia cursim attingemus & delibabimus, ex quibus perspectum cuivis fiat & exploratum, quænam sit glandularum seu colatoriorum organorum natura, & compages. Deinde vero æquâ expendemus tritinâ quæ secretionum omnium in sanguine promptuario, & colis prævia requirantur. Ex mechanices porro legibus, secretionum opus demonstrabimus, & statuemus.

### **POSTULATUM PRIMUM.**

Machina dupli partium genere fluidis nimirum, & solidis conflatur, & constat.

### **POSTULATUM SECUNDUM.**

Secretio supponit quibusdam machinæ partibus solidis insitam vim, ad separationem peculiaris fluidi à reliquâ sanguinis massâ.

### **POSTULATUM TERTIUM.**

Quæcumque pars solida, innatâ indole ad peculiaris humoris sequestrationem instructa, organum secretorium dicenda est.

### **PROPOSITUM PRIMUM.**

Vulgata adenographia exactiori indagini subjicitur.

Plurimi nec quidem imi subselli rerum anatomicarum indagatores, indecessò animi impetu diu multumque elaborarunt, in detegendis quæ sacris natura frondibus obduxerat, votisque in subsidium ingenio sagaci, industria;

5

que manu varia quidem circa glandulas, nec tamen omnino fælici exitu protulere; structuram siquidem glandularum præfinire conati statuerunt laudatas glandulas, esse corpora membranosa, peculiari cavitate prædicta, & singulare è tota massâ fluido fecernendo dicata. Quid plura? anatomico cultrò instructi, in varias membranas, tendinosis, & carneis fibris adornatas separavere, eaque folliculo quodam, arteriâ, venâ, nervo, imo & excretorio vase ditari pronuntiarunt. Adhibitis demum ligaturis, injectisque syphoum ope liquoribus intra glandularum substantiam, illarum contextum in dissimiles figuræ adegerunt: alias siquidem, politâ superficiè, ovatâ, & ellipticâ figurâ, alias vero planifortini, magis compressâ, irregulari, & acinorum communis membranâ involutorum multiformi congerie instructas esse compererunt: primæ glandularum speciei congregatarum, secundæ conglomeratarum nomen fuit inditum;

## PROPOSITUM SECUNDUM.

*Assignata Adenographia œconomiae naturali repugnat, ideoque rejicienda venit.*

In hoc totus rei cardo positus est, ut non fictitiis hypothesis, sed experimentis anatomicis ad enodandam propositi veritatem utamur: illud autem perficietur demonstrando quodcumque juxta talem sententiam glandulosum, idem non esse peculiari liquori separando di-

catum sive organum secretorium, & minus æquam, aptamque esse divisionem praedictarum glandularum, in congregatas, & conglomeratas.

## *EXPERIMENTUM PRIMUM.*

Nuki & Malpighii observationibus freti, in mulo, asino, & equo, varias tentavimus ligaturas ut compertum habereimus, utrum glandulæ congregatae, speciali structurâ lympham separarent, aut potius receptaculorum, & anthliarum reciprocantium vices obirent. Cùm autem autopsiâ constet, vasa lymphatica intra glandularum congregatarum substantiam hiantia, alia deferre lympham, alia vero referre versus novas glandulas, indeque in canalem roriferum bilsianum, cisternam, aut thoracicum canalem, multiplici modo vasa lymphatica partium superiorum aut inferiorum ligavimus; scilicet deferentia, antequam infigentur glandulæ, vidimusque inflari intra ligaturam, & detumescere à ligaturâ usque ad glandulam, imo deturgere glandulam & lymphatica referentia. Inversâ deinde ligandi ratione vinculo constrixiimus lymphatica referentia, liberis relictis deferentibus, & tunc animadvertisimus vasa referentia à glandulâ ad ligaturam turgere, minime vero ultra ligaturam, tumefactis eodem tempore deferentibus, imo & glandulâ. Rursus selectis vasis lymphaticis, ab unâ glandulâ congregata, ad alteram vicinam ten-

dentibus ligavimus vasa illa media inter utramque glandulam, & res pari quo innuimus modo successit. Talia tentamina, in vasis lymphaticis, inguinalibus, iliacis, mesentericis, axillaribus, & jugularibus, repetitis vicibus adhibita fuere.

## *EXPERIMENTUM SECUNDUM.*

Observationum Nuki & Malpighii rursus scrupulose æmuli, glandularum conglobatarum præmissis congruis ligaturis, genuinam structuram examinandam suscepimus; ideoque atramentum indicum, syphonum ope, per lymphatica deferentia intra glandulas conglobatas mesenterii, aliarumque partium injecimus, eorumdemque politam, & ovatam superficiem pluribus semispherulis, aut umbonibus ad figuram sphæricam accendentibus asperam fieri conspeximus, pari ratione successit experimentum cum hydrargiro, aut insuffato aëre, muscosaque & cellulosa, glandularum compages se se videndam objecit, præcipue in sectis transuersim glandulis atramento infarctis, & in illis quæ aëre turgidæ factæ exsiccatae fuerant: muscosa autem, vel cellulosa segmenta membranâ quadam communi, involuta videbantur.

## *COROLLARIUM.*

*Ex primo experimento liquet, glandulas conglobatas ex vasis deferentibus contentam lympham suscipere, ut inde quadam vi trusivâ;*

in nova emissaria promoveant; & si quæ parva lymphatica glandulæ substantiæ innata sint, superfluo succo nutritio tantum revolvendo dicantur ergò tales glandulæ, Non sunt organa colatoria specialia. Patet ex secundo experimen-  
to, structuram glandularum congregatarum,  
& conglomeratarum nullum discriminem admitte-  
re; hinc sequitur nec genus omne glandulo-  
sum esse colatorium organum, nec suppetere  
glandulas proprie congregatas sed solummodo  
conglomeratas, quarum denominatio, ex ar-  
bitrio potius magnifice desumpta, quam ex rei  
natura stabilita inferius probabitur; ergò elu-  
cescit propositum secundum quod erat demon-  
strandum.

### *PROPOSITUM TERTIUM.*

*Seeretoria organa non sunt præcise collateralia,  
conicis arteriarum extremis vasa.*

Glandulas ad determinatam structuram re-  
vocaturus Bellinus supponit, sed non demon-  
strat, arterias in ramos ramorum, & ramulo-  
rum ramulos divisas, tandem in venas abire,  
organaque omnia colatoria ex collateralibus va-  
sis conicis arteriarum extremis innatis conflari.  
Penitus quæstionein dilucidaturus exemplum  
proponit, ex intestinis gracilibus, & crassis  
desumptum; ita ut gracilia intestina extrema-  
rum arteriarum, crassa vero incipientium vena-  
rum exacte iconem exprimant, collateralia vero  
intestinis gracilibus lactea organorum secre-  
toriorum;

teriorum struem æmulentur ; asserit demum  
extremas arterias , & incipientes venas multi-  
plices meandros , spiras , & areas efformare  
non secus ac intestina : verum quædam nobis  
proponenda incumbunt , ut æquâ trutinâ præ-  
dicta sententia expendatur.

### *POSTULATUM PRIMUM.*

*Partes nutriuntur depositione sucèi nutritiū , intra  
ipsarum spongiosam substantiam.*

### *POSTULATUM SECUNDUM.*

Canales quicunque arteriosi , ob immediate  
susceptam cordis trusivi motus impressionem  
vibrantur.

### *EXPERIMENTUM PRIMUM.*

Ligatâ jugulari in cane musculorum , alia-  
rumque partium per hujuscē venæ truncum san-  
guinem derivantium , gelatinosò & lymphatico ,  
non sanguineo liquore perfusa substantia , &  
lymphatica vasa summe turgida in secto cada-  
vere reperiuntur.

### *EXPERIMENTUM SECUNDUM.*

Adaptato coriaceo canali , ut sanguis arterio-  
sus unius canis in venam alterius transfunda-  
tur , vibratur canalis coriaceus , vibratur ipsa ju-  
gularis sanguinem excipiens , imò & subelaviai  
Constat autopsiâ , varia lactea intra intestinos

rum canalem aperta, quem exsugunt liquorem, in cisternam, & canalem thoracicum degurgitare, nullomodo effuso intra intestinorum contextum praedicto fluido: pari modo varia lymphatica conicis arteriarum extremis enata, lympham, sive succum nutritium intra partium interstitia minime laxarent, unde nulla fieret nutritio; nec gelatinosæ substantiæ intra partes aggredi, quod repugnat primo postulato, & primo experimento: ergo eo nomine expungenda belliniana hypotesis, quæ aliunde contradictoria arguitur, ex eo quod postquam monstravit arterias extremas conicam obtinere figuram, cylindrica deinde easdem donari supponat: datis præterea venarum, & arteriarum inosculationibus vibrarentur venæ, imò & vasa collateralia, juxta secundum postulatum, & secundum experimentum, quod tamen autopæx contrarium est.

### *PROPOSITUM QUARTUM.*

*Sola vesiculosæ compages, organorum colatoriorum mechanicam struem non constituit.*

Ad secretionis negotium perficiendum utricle, seu vesiculosæ quædam corpora extremitis arteriis, & incipientibus venis subjici pluribus adstruit Borellus, cum Malpighio. Ut autem tali sententiæ æqui bonique consulatur, quædam experimenta anatomica præmittenda videntur.

## EXPERIMENTUM PRIMUM.

Aperto ranarum thorace versus alterutrum latus , pulmonaris lobus per factam rimam vias sibi parat : tunc adhibito idoneo microscopio , extremæ arteriæ in ramulos ramorum infinita pene serie divisæ conspicuntur ; ita ut unusquisque canalis capillaris in reticularem quemdam contextum abeat , cujus variæ maculæ post innumeræ connexiones , & commissuras , modo angulos acutos , modo obtusos describant , unde mirifice dispares , rhomboidales , trapeziæ , aut saltem poliformes areæ emergunt , quæ tandem in novum & unicum canalem derivantur . Videtur sanguis circulans in primo canali antequam efformet reticularem contextum , pallescente , vel potius citrino colore tintitus , intra poliformes areas albo , demum intra canalem ex junctis arearum maculis emergentem rubro colore infectus , primum canalem arteriosum A , secundum venosum B , canaliculos vero reticulares C , C , &c. tubulos excretorios D , D , &c. canaliculis reticularibus in primâ figurâ , & substantiæ rhomborum in secundâ infixos , & in tubos majores E , E confluentes indicabunt duæ primæ figuræ.

## EXPERIMENTUM SECUNDUM.

Cum porcinum , felinum , imo & huinanum siccum adhibitis injectionibus , & macerationi-

Bij

bus à contentorum liquorum sordibus expurga-  
tur, illius contextus vesiculosus, & utriculo-  
sus omnino perspicitur; sive turgeat ab in-  
sufflato aëre, sive absque aëre immisso lobi illius  
in varia segmenta cæsim dividantur. Eamdem  
structuram suppeditat splen bovinus anatomice  
paratus. Utriusque illius contexturæ genuinam  
naturam declarabunt duæ ultimæ figuræ, in  
quibus A arteria majuscula, B, B, &c. ramuli  
arteriosi è majusculo enati, & intra vesicula-  
rum specus, simulque globosam substantiam  
aperti, D, D, &c. ramuli minores venosi ex vesi-  
culis in majusculam venam E coëuntes; F, F, &c.  
canaliculi excretorii minimi, ex vesicularum  
concavâ parte in tertiatâ figurâ, & ex carumdem  
globosâ substantiâ in quartâ figurâ succrescen-  
tes, & demum maiores canales G, G, suo con-  
cursu constituentes.

### S C H O L I U M.

In Cancris, Bombice, Erucis, Grillo, & Tal-  
pâ vesiculosa coagmentatio se se videndam ob-  
jicit ex cæcalibus sacculis, qui in talibus ani-  
malibus hepatis munia obeunt. Quid plura?  
in anate, gallo indicō, & aliis avibus vesicu-  
losus & utriculosus pancreas demonstratur; de-  
mum in Xiphiâ, asello, aliisque piscibus, in  
bombice, multisque insectis, loco pancreaticis  
utriculi cœcales pancreatici canalis truncō, in-  
finitorum ramulorum ope appenduntur.

## CORROLLARIUM.

Sequitur ex primo experimento reticulares areas inter organa colatoria numerandas esse, ex secundo experimento liquet secretionis officium vesiculosæ struis beneficio in certis partibus perfici, unde compertum manet secretoria organa, vel esse reticularia, vel vesiculosa.

### DEFINITIO.

Glandula sive organum colatorium, est pars organica, rara, porosa, reticularis, aut vesiculosæ, cujus ope peculiaris quidam liquor à totâ sanguinis massâ segregatur.

**PROPOSITUM QUINTUM.**  
*Prærequisita in sanguine, & colis ad conjectarias secretiones arguuntur.*

Enucleatâ satis superque organorum secretoriorum structurâ, inquirendâ nobis supersunt prævia quædam, quibus positis sanguinea massa secretionum omnium promptuarij evadat, & diversa colla destinato munere fungantur; hæc autem simplicissime sequentibus Lemmatibus evoluentur.

### LEMMA PRIMUM.

*Sanguinem esse congeriem particularum mirifice dissimilium.*

Nam sanguineus latex continuo ex novo influente chylo conficitur, chylus autem ex

14

alimentis infinitè dispari indole præditis coalescit, unde necessario sanguis chyli, & alimentorum quibus suos natales debet crasim sibi vindicat. Talem synthesis maxime fovet fermentativus motus, quo sanguinis principia, mole, figurâ, motu, & aliis qualitatibus summe diversa perpetuo agitantur; hinc siquidem emergunt multifaria fluida, quæ ex massâ sanguineâ velut ex perenni fonte scaturiunt.

### LEMMA SECUNDUM.

*Recrementsa esse formaliter in sanguine.*

Si enim injectio cum certis proportionibus ceræ albæ, flavæ, & olei parata, & cum infusâ cinnabare aut anchusâ vulgari rubro colore infecta, per syphones in varias arteriolas aut venulas immittatur, sœpe sœpius in substantiam flavam, rubram, & albam intra vasa capillaria explicatur, quod mirum videri non debet, cum prædictæ materiæ in tali mixturâ formaliter contineantur: pari ratione cuncta recrementsa in propriis colis separantur, quia globulosa & lymphatica compages, quæ juxta Lavenoecki experimenta sanguineam massam constituit, ex omnibus recrementsis revera & actu nonexistentibus conflatur. Sed ne forte aliquis suppetteret dubitandi locus aperto molossi abdomen, utramque emulgentem arteriam cum sociâ venâ ligavimus, & transactis aliquot horis urinosas materias pce

vomitum eiici animadvertisimus ; rursusque in cane foemella catuliente easdem ligaturas confecimus ; amputatis postea duobus renibus ut omnis circa experimentum tolleretur scrupulus , liquorem abundantem lotio aspersum evomuit pariter canis. In utroque experimento materiae urinosaes foras per vomitum detrusae , efformatae non fuerant intra renes , cum sanguis ad illos non deferretur , nec ab iisdem renibus suppeditabantur cum vinculo constrictae venae , aut extracti essent renes ; unde compertum manet , ideo urinosa fluida per vomitum fuisse excreta , quia actu & formaliter in sanguine delitescebant , connubioque cum salivali humore facto , potentias vomitui destinatas juxta principia neurologica in actum deduxerant.

### SCHOLIUM.

Varia animalia post viperæ morsum siunc icterica , quin minimum reperiatur vitium in cadaveribus apertis , quod sufflaminando influxum liberum bilis per vasa excretoria , separatae bilis in sanguinem regressui ansam praebat : Talis autem icterica dispositio soli praexistentiæ biliosi laticis intra sanguinem massam referenda est . Misca facimus varia quæ castratis superveniunt symptomata , ut effectoræ vires , imberbis & effeminatus corporis habitus , quæ omnia post amputata seminalia cribra soli spermati intra sanguinem redundanti natales suos debent .

### LEMMA TERTIUM.

*Porosum glandularum contextum non sufficere ad secretiones.*

Ut diversæ moleculæ quæ ex frumentoruī tritu emergunt, à particulis dissimilis specie segregentur, necessaria sunt disparibus omnino poris prædicta cribra; solis enim male ferriatis perspectum non est, porum quadratum diametri trilinei transitum permettere liberum corpori rotundo; aut cuicumque poliedro diametri tantum linearis, & porum rotundum trilineum facilem exitum corpori quadrato, aut poliedro linearī præbere; atque ita parvas moleculas cum majoribus promiscue, pollineas nimirum partes cum furfure et crassiori farinâ secerni: quod totum si sanguini accommodetur, spiritus animales, insensibilis transspitatio, & alia tenuia fluida per patentes renūm & hepatis poros continuo devolverentur, & frustanea fieret secretionum mechanice.

### LEMMA QUARTUM.

*Cola analogo humore imbuī.*

Constat innumeris experimentis in ovis gallinaceis incubationis tempore factis, per venam umbilicalēm intra cicatriculām contenti pulli, aut per innumeros ramos intra vitellū sparsos, & in unicū canalem qui intra ileū intestinū

intestinum aperitur coēentes, vitellum intra  
 pulli corpusculum permeare; eādem ratione pa-  
 tetit, albumen per utramque chalazam, vel sal-  
 tem vitellini folliculi poros in cellulosum vi-  
 telli contextum detrudi; exactis deinde qui-  
 busdam incubationis diebus, punctum saliens  
 rubro colore tinctum, plexusque circa carinam  
 arteriosi perspiciuntur; canaliculi autem qui-  
 cumque membranosi necessario flaccescunt, nisi  
 habeant villos exterius positos ope quorum  
 parietes à centro distrahantur, aut liquores in-  
 tra tales canaliculos nidulentur, ut impediatur  
 laterum coalitus qui fieri solet in canalibus  
 membranosis liquore destitutis, ut videre est  
 in venâ & arteriis umbilicalibus post vinculi  
 umbilicalis ligaturam; sed chalazæ, vasa um-  
 bilicalia, aut alia jam assignata per vitellum  
 sparsa, & varij cujuscumque generis canali-  
 culi liquoribus intra pulli corpusculum de-  
 vchendis dicati, carent villis distrahentibus pa-  
 rietes; ergo sequitur vasa albumen, & vi-  
 tellum intra pulli embrionem degurgitantia,  
 variosque canales sanguineos aut cuicunque li-  
 quori continendo idoneos, humore quodam  
 à primordiis generationis turgere; cum autem  
 rudimentum sanguificum vasis sanguineis, lym-  
 phaticum lymphaticis tribuat, & genus om-  
 ne glandulosum canarium membranosorum  
 speciem præ se ferat, liquori cui concinendo &  
 scernendo destinatur, necessario repleti debuit,  
 ergo analogum liquorem continere.

## S C H O L I U M.

Talibus adstipulatur experimentum bellinianum in seminibus cucurbitatum, quæ intra pulpæ areas, & segmenta, hortulos quosdam innumeris plantis ejusdem speciei consitos solâ agitatione, & fermentativo fluidorum intra germina contentorum motu concinnant; ut etiam quotidie videre est in variis plantis bulbosis, quæ solo aëri expositæ sine ullius alterius succi interventu in ingentem molem excrescunt: sed si hæc omnia humoris analogi intra organa colatoria præsentiam declarent, quanto magis vulgatum experimentum chimicum; charta enim emporetica oleo imbuta partibus aqueis, & aquoso fluore perfusa moleculis oleosis ingressum denegat; unde necessitate mechanicâ diversi humores analogi in collis, olei, aut aquæ chartam emporeticam imbuentis, officium præstabunt.

## P R O P O S I T U M S E X T V M.

*Sanguinem in arteriis ex strictis dimensionibus in amplas, in venis autem inverso modo fluere.*

Non sine stomacho primâ fronte hocce propositum nostrum quis audiat, siquidem in scholis decantatum est, sanguinem intra arterias ex ampio canali in strictum, & intra venas ex stricto in amplum preinoveri, istius tamen

problematis veritas ex principiis pure geometricis demonstrari posset; ne autem geometriæ imperiti extra propriam sphæram nimiam divagentur, simplici & vulgari admodum calculo ostendetur.

Pone sigmoideas valvulas Aortæ truncum dimensi sumus, variasque alias arterias, ~~vidimus~~ que in diversis animalibus proportionibus servatis, uniformem esse naturæ agendi rationem, ut autem fractiones vitentur, fas mihi sit supponere diametrum Aortæ æquari in homine quatuordecim lineis, constat arteriam quamcumque Carotideum superare suo diametro, semidiametrum Aortæ, sed relictis excessibus ad clarioriem demonstrationem, æqualis tantum dicatur talis diameter: liquet etiam autopsiâ utramque Subclaviam, ita ut dextra suinatur post emissam Carotideum, relictis etiam excessibus, non contemnendis, pollere diametro æquali semidiametro eisdem Aortæ; demonstratur autem in geometricis, canalia circularia se habere ut ipsorum orificia, quæ cum circularia sint circulorum proprietatibus gaudere debent, & se habent inter se sicut quadrata radiorum quadrata vero ut rectangula sunt in ratione duplicata laterum sive radiorum ex quibus efformantur; fadius autem orificii uniuscujusque Carotidis & Subclaviæ est tantum semi-radius orificii Aortæ, unde sequens emanat proportio.

$$1, \quad 2 :: 1, \quad 2,$$

Multiplicatis autem duobus antecedentibus

Cij

fit productum 1; multiplicatis vero consequentibus productum erit 4. ergo quadratum sub radio uniuscujusque Carotidis, & Subclaviæ erit ad quadratum sub radio Aortæ, sicut 1. se habet ad 4. ideoque eamdem proportionem obtinebit singularum quatuor harumce arteriarum canalis ad canalem Aortæ; ita ut unusquisq; quar-

rus canalis, sit  $\frac{1}{4}$  pars canalis aortæ, sed  $\frac{4}{4} = 1$ .

unde compertum est eo nomine quatuor supradicta vasa æqualia esse magnæ Aortæ.

Pari methodo utramque Hypogastricam, & Iliacam mensuræ subjecimus cum Mesentericâ superiori, & Cœliacâ, & unumquemque lustralium arteriarum truncum, ita ut quarumdam defectus ab aliarum excessibus æqui bonique compensentur, habere diametrum æqualem semidiometro sive radio Aortæ comperimus; unde patet diametros Cœliacæ, Mesentericæ superioris, utriusque Hypogastricæ, & Iliacæ æquales esse, sex mediis partibus diametri, sive sexties radio Aortæ inagnæ, & componere ad talem diametrum unam rationem triplam, ideoque sex assignatos canales æquales esse sex quartis partibus trunci Aortæ, unde exurgit nova ratio sed sesquialtera, sive continens totum canalem Aortæ & dimidiam ejusdem partem, sed supra demonstratum est, summam canalium utriusque Carotidis, & Subclaviæ parem esse toti canali Aortæ, ergo si colligamus jam jam assig-

natam rationem æqualitatis ex primis quatuor arteriis, & rationem sesquialteram desumptam ex aliis sex arteriis jure merito concludetur, rationem æqualitatis & sesquialteram efformare rationem duplam sesquialteram, sive ut mentem nostram clarius explicemus, canales duarum Carotidum, & Subclaviarum, Cœliacæ, Mesentericæ superioris, Iliacarum & Hypogastricarum arteriarum, includere sesquiduplum amplitudinem Aortæ magnæ; ergo sanguinem decurrentem ex tali Aortâ in decem illos ramos fluere in canalem sesquiduplo majorem, quod sufficeret ad firmandum propositum: si autem varios ramos ex Aortâ descendenti aut ascendi emerentes & gratis prætermisso, ut Cervicales, Mammarias, Intercostales, Emulgentes, Mesentericam inferiorem, & alia innumera vasa arteriosa perpendamus: demum excogitemus ramos ramorum, & ramulos ramulorum qui infinitâ pene serie ex decem majusculis arteriis, & aliis minoribus brevitatis causa præternitendis prodeunt; familiari calculo declarabitur in imumsum augeri canales arteriosos qua proportione discedunt à corde, habitâ ratione canalis Aortæ magnæ incipientis.

Jam si transferatur eadem operatio, ad vasa venosa, quæ quidem multo majorem, v, g, quadruplam *juxta Borellum* amplitudinem quam arterias obtinent, manifestum fiet duas jugulares interiores, Subelavias, Iliacas, & Hypogastricas venas, Mesentericam, Splenicam

aliasque minores innumeras, eamdem rationem habere ad canalem totius Cavæ, quam demonstratum est reperiri, inter decem majusculas aliasque minores arterias, & truncum magnæ Aortæ; proindeque inconcussum manebit sicut sanguis intra arterias fluit ex strictis dimensionibus in amplas, ita idem fluidum, intra venas ex ampio spatio in strictum decutere quod erat declarandum.

### COROLLARIUM.

*Ex præcedenti doctrina sequitur summam quantum fieri possit vasorum sanguineorum amplitudinem extremis arteriis, & incipientibus venis esse intermedium.*

### PROPOSITUM SEPTIMUM.

*Mechanicum Secretionum Opificium Evoluitur.*

Chymicam sanguinis analisim de industriâ missam facimus, ut pote quæ quoad principiorum proportiones parum fibi constet, nec multum ad quæstionis nostræ elucabrationem conferat; nobis enim in presentiarum nosce sufficit principia quinque chymica è sanguineâ strue ignis ope educi. Ut autem clariori methodo procedamus, & præviâ veritate quasi manus ducti tricas Omnes, & ambages viteimus; postulata quedam naturæ legibus maxime congrua præmittentur,

## *POSTULATUM PRIMUM.*

Fluida ex strictis dimensionibus in amplas mota impetus quantitates deperdunt, quæ sunt inter se sicut stricta orificia se habent ad ampla.

## *POSTULATUM SECUNDUM.*

Corpora in motu posita si impingant in planum infinite resistens, debent mutare determinationem motus directi in reflexam.

## *POSTULATUM TERTIUM.*

Corpora quæ motu circulari donantur, tendunt recedere à centro sui motūs per tangentem descripti circuli majorem, vel minorem pro variis soliditatis gradibus.

## *POSTULATUM QUARTUM.*

Corpora insensibilia quæ oblique moventur intra media diversæ densitatis, pro varietate mediorum recedunt à perpendiculari, vel accedunt ad perpendicularē līncam, sed diversâ omnino ratione ab illâ qua refringuntur corpora sensibilia.

Cunctis qui vel prima anatomæ documenta summis labris attigerunt, compertum est corpus animalium esse congeriem hydrolicarum machinarum, quæ sibi mutuas præstant manus

ad conservandum totum quod conficiunt; inter hasce vero machinas principem locum obtinet Cor, geritque munia anthliæ reciprocantis in duas capsas dilatabiles & compressibiles divisæ; ita ut corrugatione & constrictione villorum carneorum, accedentes ad se invicem capsarum sive ventriculorum parietes agant vi præli in sanguinem contentum, & expellendus sanguis emboli vices obeat erga sanguinem intra arterias & venas inclusum; & fluxurum; duæ autem arteriæ majores Pulmonaris nimirum, & Aorta, ambæ item venæ majores scilicet Pulmonaris, & Cava sunt tubi ductiles, innumeri vero rami arteriosi, qui continuo è majoribus assignatis truncis derivantur, cum sociis venis in truncos majores confluentibus, spectandi sunt quasi totidem syphones incurvati binomii quidem, & bimembres, sed contigui, & ferruminati ope organorum colatoriorum reticularis, aut visiculosæ structuræ.

Cum sanguis ex miscellanea recrementoru*m* omnium congerie compositus, & vi emboli detrusus, ex truncis majoribus arteriosis intra minores prima syphonum brachia efformantes, secretoria organa, tandemque ramos venosos minores secunda syphonum brachia constituentes fluere cogatur, variis necessitate mechanicâ mutationibus ad secretiones maxime accommodatis fit obnoxius.

Ex tubis majoribus arteriosis intra minores capillares

capillares expulsus sanguis', in tot segmenta dividendus est, quot sunt rami arteriosi capillares, unde totius compagis in minutissima Ecypa fila ductæ summa divisio, & columnularum sanguinearum superficie maxima expansio; sed superficies corporum minorum habet majorem ratione in ad superficiem corporum majorum, quam moles majorum ad molem minorum; ergo erunt plura puncta tacta & puncta tangentia, ideoque maiores resistentias, quæ præcea intenduntur ex auctâ amplitudine spatiorum *in sexto proposito* demonstratâ, ex fasciarum exterius positarum elatere, & compressione, angulosâ ramiulorum divaricatione, & continuâ reflexione, quam patiuntur columnulæ sanguineæ per flexuosos, & intortos extremarum arteriarum canales, quorum longitudo per regulam auream in explicatis testium vasibus, evincitur esse ad longitudinem totius machinæ, sicut unum ad quatuor mille octingenta. hæc omnia mirifice retundunt. Immensam musculi cordis potentiam, ideoque continuas motulas sanguini, ex extremis arteriis intra organa colatoria præter labenti injiciunt.

Patet *ex corollario sexti propositi* quam maximum amplitudinem vasorum sanguineorum, esse extremis arteriis & incipientibus venis appositam: liquet *ex proposito quarto* varia organa secretoria ut pote extremis arteriis, & incipientibus venis insita, quam maximâ illâ amplitudine pollere, quæ quidem etiam si calculo geometrico non possit demonstrari, neq;

glectis excessibus erroris vitandi gratiā, respecātu habito ad extremas arterias sextupla tantum statuetur: hinc *juxta postulatum primum* imminutio motus sanguinis fluentis intra organa colatoria, se habebit ut unum ad sex, sive motus quantitas superflua erit tantum una sexta pars prioris: præterea superficies interior vesicularum concava ut videre est *in tertiā & quartā figurā*, reticularium tuborum ubique angułosa & scrupea qualis se prodit *in prima & secunda figura*, simulque obliquus, & ad angulos acutos concinnatus arteriarum capillarium. intra organa secretoria ingressus, continua puncta reflexionis sanguini traiicere co[n]nanti suppeditan; sed fluidorum variæ molarculæ considerari possunt, tanquam totidem grana solida, ergo *juxta secundum postulatum sanguinis* motus directus in reflexum mutatur, variæque undæ & turbines in sanguinco latice describuntur, superficies molecularium magis ac magis expanduntur, & poroso organorum colatoriorum contextui objiciuntur; faventibus sextuplo spatio, & spirituum influentium commixtione sanguinis fermentationi, & molecularium pro gradibus soliditatis ad describendas tangentes nisui majori, *juxta postulatum tertium*, proindeque à cœteris principiis extricationi: constat autem *ex quarto proposito* colla imbui humore analogo, qui materiæ æhereæ pervius est, non secus ac alia varia fluida sanguinem constituentia, & diversam, vel eandem cum humore analogo densitatem for-

tita: quo tempore igitur per tangentes nituntur varia recrementa ut poros organorum secretiorum subeant, fluidum aethereum pro mediorum densitate vel accedit ad perpendicularum, vel recedit à perpendicularo *juxta postulatum quartum*, vel suscepit determinacionem motus positâ mediorum congruentâ servat; hinc sit ut concipiendæ sint infinitæ lineæ globulorum materiæ aethereæ ex humore analogo in objecta recrementa, & ex recrementis in humorem analogum impingentes, vel recto tramite per utraque progredientes: sic pro uniformi, aut oppositâ recrementorum indole, iisdem ingressus conceditur vel denegatur. Quibus positis facili negotio analogæ cum humore imbuente particulæ, colorum poros pervadunt, unde sistalticâ cordis, & arteriarum actione, suam præterea opem conferente oscillatorio organorum motu, in nova receptacula, aut extra corporis habitum destruduntur; residuus vero sanguis disparibus & heterogeneis particulis fœtus, per hiantes venarum capillarium radices, à potentis circulationi sanguinis dicatis in maiores trancos venosos adigitur novas molitus secretiones, quarum omnium ratio, ex principiis anatomicalis, & mechanicis fluidorum, & solidorum proprietatibus juxta traditam methodum desumitur; unde jure concludimus.

*Ergo secretionum opus ex mechanicas legibus.*





# FIGURARUM EXPLICATIO

## TABULA PRIMA

Exibentur organa colatoria Reticularia ope microscopii inspecta.

Fig. 1.

A Arteria extrema capillaris.

B Vena capillaris ex opposito Arteria angulo prodiens.

CCC &c. Canaliculi Rhomborum Latera efformantes, & ex extremâ Arteriâ capillari enati, ut tandem in oppositam venam abeant.

DDD &c. Surculi excretiorum vasorum, anteris & posticis lateribus Rhomborum minorum, vel rhombi totalis infixi.

EE Canaliculi majores excretori, ex utroque latere Rhombi totalis assignatos surculos excipientes.

Fig. 2.

A Arteria extrema capillaris.

B Vena capillaris ex adverso arteria extrema angulo initium capiens.

CCC &c. Canaliculi Rhomborum latera constituentes & ex arteriâ capillari ut supra sobolescentes.

DDD &c. Surculi vasorum lymphaticorum, Rhomborum glebosæ, & spongiosæ substantie, aut Rhombi totalis lateribus innati.

EE Rami duo lymphatici majores, ex minorum concursu, dextrorum & sinistrorum emergentes.



# FIGURARUM EXPLICATIO

## TABULA SECUNDA

Designantur organa secretoria vesiculosâ nudo  
oculo, & ope microscopii inspectâ.

Fig. 3.

A Arteria majuscula.

B B &c. Rami quatuor arteriosi minores ex majus-  
culo prodeuntes.

C C &c. Vesiculae quatuor, minores arterias  
capillares excipientes.

D D &c. Rami quatuor venosi capillares minores,  
ex concavâ vesicularum parte orti.

E Vena majuscula ex junctis venis minori-  
bus coalescens.

F F &c. Surculi ramorum excretiorum concavæ  
vesicularum substantia per infinita ca-  
pillaria innati.

G G Canales duo ex utroque vesicularum latere,  
assignatorum surculorum conjugatione effor-  
mati.

Fig. 4.

A Arteria majuscula.

B B &c. Arteriae quatuor minores intra vesicula-  
rum specus, aut etiam solidam substantiam  
apertæ.


C C &c. Vesiculae quatuor ut solidae, & globosa  
representatae.


D D &c. Quatuor venæ minores predictis vesiculis  
infixaæ.

E Vena majuscula ex junctis venis mino-  
ribus conflata.

**F F** &c. Sunculi minores lymphatici ex convexâ  
aut etiam concavâ vesicularum parte  
per infinita capillamenta enascentium.

**G G** Rami duo lymphatici majores ex aliorum  
minorum concursu coalescentes.










FIG. 2




FIG. I



*tubert-f.* TABVLA. 2




FIG. 4




FIG. 3

ANT

1. 111